

臨江府志

EM250.103

138

5-8月20日

三

登录号 172850

函 6 册

同治十年歲次辛未重修

臨江府志

本衙藏板



重修臨江府志序例



臨江當南粵虔吉之衝山川
清鬱代產人文同治戊辰秋
予蒞茲土越明年己巳奉

憲檄纂修郡縣各志 中丞

臨江府志

序

劉公緘屬朱石翹都轉董其
事庚午冬督修四屬邑乘將
成乃與郡人士謀所以修郡
志者而踵而行之惟郡乘自
施少參於康熙丁未修輯後

距今二百餘年事勢遷延探
討匪易况疊遭兵燹見聞尤
恐難真用敢遠搜舊聞近稽
冊檔舉凡沿革山川風俗物
產鄉都市鎮水利津梁古蹟

冢墓寺觀皆疆域之所係也
作疆域志城池公署倉儲壇
廟學校書院皆建置事也作
建置志有田則有賦有民則
有役作賦役志官所以治民

師所以教民作官師志兵制
武事以衛黎庶薦辟進士鄉
舉以登俊良故武備志選舉
志作焉經史子集以徵著作
祥異金石軼事以廣見聞故

藝文志雜類志作焉德澤及
民聲稱垂後此名宦傳所由
作也名臣理學宦業儒林忠
義孝友文苑隱逸善士悉地
產之良此人物傳所由作也

婦人貞一爲貴賢者舉足堪
師方外修爲是尙故列女傳
厲賢傳仙釋傳相繼作焉復
以諸圖列其前謹奉

聖製冠其首其間因非襲舊革不炫

新損所當損非尙簡益所當
益非務繁參稽數四八閱月
而稿成適予量移吉州爰綴
數語詳具顛末俾後之君子
有所考焉

時

同治十年辛未夏五月

欽加道銜知臨江府事長白德馨

撰



臨江府志

序

五

施志原序

施子有述職之役臨江府志屬草甫定請爲序予謝曰唯唯否否志蓋非余作也夫爲政在力行不貴多言苟得樹尺寸澤被一方卽稚少文何病焉烏在其以文章飭吏治也然史乘圖志之書所以紀事而載道也故文獻不可以無徵也順治辛丑秋予分守湖西徵臨江府志自隆慶以來闕焉時歲饑民勞與郡邑諸大夫合志休息數年訟庭茂草民稍甯處旣新學舍繕城郭百廢粗理始議修郡志請於巡撫中丞董公報可會予驅車入

臨江府志

舊序

賀道病輒心掉簿領之外不暇治宅書然竊謂

國家肇興混一車書天下郡國志所在修輯臨江故文獻地自宋劉孔諸君子以還名臣碩儒相望簡牒比者闕載籍將百年其吏於茲生於斯者豈翳乏人而父老不能舉其名碑碣不足詳其蹟上之良法美政下及貞士節媛寢就湮滅不可勝數是用滋懼夫廢前人之盛美過潛德之幽光畧因革損益之制度無所徵述皆後起者之責也於是咨於郡大夫王君通告邑長及薦紳博士弟子網羅編次歲餘始草具其事又屬友人高子阮懷爲任筆削先是隆慶志成於

太守管君大勳從事者則郡人比部劉君松也其筆簡嚴多舛漏茲因其義例而撫拾加詳文辭畧備遠無徵及見在者概不立傳以闕疑遠嫌也至於賦役綜覈則專屬之清江令屈君予病未周覽聊藉手告成事焉志蓋非予作也古者三年報政取民間風俗以觀政治得失予監司茲土六年矣月吉讀法申命再四間與賢士大夫講學攷業以磨切俊良雖勞不敢輟而風俗之移易何如哉頃歲復水旱寒燠違時民惴惴供億不給余又以奉裁去拊其疾苦予以煦噢是專賴乎司牧之君子且書之以志吾憾也

臨江府志

舊序

二

康熙丁未仲秋月吉分守湖西道參議江左宣城施閏章漫題

舊序

古者建侯其國皆有風詩以備王朝太史之採迨風詩廢而國自爲史於是晉楚與魯各異其書

夫子因文獻之無徵遂筆削於魯史深懼三代之制久而或湮也居今而欲斟酌古人之意善用其徵文獻之法則猶有郡邑之志在蓋郡邑固介然周室之侯邦也然志亦難言哉識下者猥瑣成章其弊也陋見高者簡畧塞責其弊也疏若臨之續修郡志斯有足

多者臨江軍置自北宋改洪州清江爲治所分吉之
淦袁之喻以四益之至明始割淦南巴邱增置峽江
四邑風俗傳祀久已弗備弗飾前守王公請憲令同
賢士大夫續修之採舊綜新補闕汰濫蒐輯具備可
云匡今日時志之弊而無陋與疎之失矣然古人制
作之意以其徒託諸空文孰若見之行事之深切著
明也如郡邑五學爲世教之本津道橋梁爲通濟之
具則輯理宜亟也寺觀祠祀爲享神之所陂塘隄障
爲捍水之防則經營不可需也矧夫城墉之復墮雉
堞之淩圯尤保疆之先務安民之要圖則修復興築

臨江府志

舊序

三

愈難以一日緩也而苟置焉弗問則名存而實已亡
以云法古法古則未也余蒞臨土閱新志其中象形
之所苞孕世代之所污隆政法之所沿革臚分彙列
既各有緒而百廢未興莫或遑此悄然以思是誰之
責因捐俸倡始殫精竭力整構

聖宇學宮復并四邑廟學次第新之至於神之所棲民
之所由溝洫之所出入凡寺觀津梁之有裨於民者
俱不憚營治意蓋欲以振舉頽靡而範俗速化故因
其名而事其實事其實乃以迪其教俾臨之父老驟
見之而躍然興徐繹之而瞿然化發於情得於理庶

幾率其子弟章教感慨共出風雅之音以應

當亡賡颺之治爾時余得以撫几而聽絃歌之聲覺於法
古有餘矣是爲序

康熙庚申孟冬月朔漳水陳克峻題於水鏡公署

舊序

今夫郡邑之志滿天下求其遠可以騁水經近可以
穹岱史者止有成都松江二志而已成都借采於升
菴松江藉腴於眉叟二家筆削卽二家文章也予今
年夏六月改知臨江軍事甫蒞茲土清令屈子首以
邑志相遺予兼詢及郡志屈子悉以狀對遂知斯志

臨江府志

舊序

四

之鏃肇自少參愚山施公前則請之太中丞董公茲
復藉於賢郡長王公亦既具有成橐矣已而就橐矚
之見其山川人物靡不周詳政事藝文倬然鱗炳固
無握管過堅之憾亦鮮持情太諛之譏徧稗之氣久
已湔除興感之繇於焉布濩游夏不能譽南董不能
麗也予前十年司理潯陽范祖生同事星渚歎蠡湖
之灝淼賦廬嶽之龍嵒謂古今幽人烈士湮沒於名
山大川何可勝紀於是范子任修山史予亦採輯潯
志櫛年比月調苦劑甘書成兩郡謬爲諸君子所好
亦知范子與予固悉有所本乎范子本之桑子木予

則本之陸君啟夫亦踵事而增華非鏤冰而捉月也
予又思萬物莫不皆有所因因液成河因案成埵因
謚成慧因想成文孔子因魯史作春秋施公因慶本
作臨志其義一也後之續者亦將有感於斯編

康熙歲次戊申中秋日晉陵胡宗虞題於蕭江署中
舊序

國有史郡有志所從來矣周千八百國秦改爲郡邑
當其未改居然國也漢興仍秦制首重郡守之任俾
掌民治凡進賢勸功決訟檢奸咸與焉有治理效輒
璽書勉勵增秩賜金民知其將久而莫敢服從其化

臨江府志

舊序

五

予不敏實媿斯職

皇上御極之二年癸卯仲夏來蒞茲土比大創之後元氣
未復兼苦歲祲百務廢弛予惟是與民休息期於安
靜它務非所急也越今五載緣軍餉亟四屬錢糧守
臣兼任督催用是轍跡遍鄉邑每至高山大川輒興
懷往哲謂父老曰我聞汝臨代產名賢碩彥甚而抗
節者爭光日月潔志者吐納煙霞豈僅屬之耳聞無
往牒可稽乎曰自隆慶管太守重修之後郡志闕者
百年於茲矣予曰嗟乎百年其久也百年中戶口之
生耗幾何賦役之繁簡幾何土田之荒闢幾何人物

之升沈幾何官師之興除損益於此者又幾何皆不可攷而知也至於嘉言懿行孝友節烈無從紀載過此以往其淪於湮滅而不傳又可勝道哉此予所深憂也若是修志庸緩歟雖然予不文有志弗逮且修志未易事也非其人不可分守少參施公以教化風俗爲念慨然修復臨志殆亦憂予之憂也夫主裁有人筆削有人而又博採羣言是故其事類約而備其義例詳而核也戶口之生耗賦役之繁簡土田之荒闢人物之升沈與夫官師之興除損益靡不一覽瞭然卽有嘉言懿行孝友節烈罔或隱沒郡志於是乎與

臨江府志

舊序

六

國史并新矣會少參公以入

觀行而郡志草定予喜其成功之速也謹識數言爲序

康熙丁未仲秋月旦三韓王撫民題於仕學公署

施志後序

宣城施夫子臨江郡志成適有述職之役以七卷志彙屬予編次之予媿謝不敏施子曰田賦戶口生民之大命也子親民者也其可以是而少之也予稽首受命竊唯郡邑有志本以經世而非以博物本以前民而非以鬪靡禹貢周職方志國邑者之權輿也自

後世觀之則見其瑣屑而俚俗者矣其田賦高下之異等墳壚黎赤之異壤九鎮九澤之異名而五戎八蠻之異服其列而載之可也至於篠簜箛篥淮蠙江龜海錯之纖細則類於草木魚蟲之書而多男少女多女少男則近於閭井村俗之談古人何若是之瑣瑣也蓋有切於利器用而阜民生辨陰陽而蕃滋息者古人固不得以其穢褻而畧之矣而況其重且大乎獨怪世之作志者其敘山川也既無關於夷險瀦洩之用而其載風俗也亦無與於觀民省方之實至於則壤賦額民數一切不講而僊佛塵蹤臺榭廢址

臨江府志

舊序

七

貴顯墟墓墨騷詞賦鋪張滿目嗚呼生人之大命固如是其缺畧弗講乎抑聞之荆川先生矣前代修一統志時兩人相誚其一欲載科目之數則曰此非進士錄也其一欲載田賦戶口之數則曰此非黃白冊也科目則別有錄矣田賦戶口固生民之大命而經世者所必稽也且若彼之說禹貢周職方其亦黃白冊也哉臨江亦東南財賦之會

國朝額賦不計糧而計畝舉明季煩苛悉與蠲除田地山塘按則起科民亦少息丁酉刊定全書額丁六萬六千零其去明初幾何矣其去宋元又幾何矣盛衰

消長理數使然乎抑亦令長之責矣軍丁未奉勾除
逃亡故絕僅存空名匠班於額內帶徵舉輪班存留
住坐之數悉不可攷矣官役經費自全書刊定時原
編一萬五百一十零嗣因國用不敷有錢糧人不敷
出之行有敬陳錢糧出入數目之行今戊申又有酌
省存留錢糧之行內除全裁外見在又減去過半矣
蓋養兵本以衛民民不加額而取給於官役恐官不
足以養廉役不足以固恥而民困愈不可知矣此節
兵恤民勸賢均徭當國者量必有以變通之故予於
是編於戶丁經費額賦一本之丁酉全書而於後之
臨江府志

舊序

八

裁扣者缺然不載且以俟變通也軍丁匠戶一遵前
志以備採擇而大畧則竊取荆川先生以告我宣城
夫子云爾

康熙歲次戊申十二月之望天中屈有信題於古夕
佳園

明嘉靖府志舊序

夫郡志史備典也是故志封邑以表統馭志建置以辨制理志官名以昭職紀志田賦以述貢方於是乎詳重民力也志祠祀以協幽物志選舉以崇英茂志人物以孚神毓諸所登載舊志攸存勿可盡削則以雜志終焉是故郡志史外備典也文獻可徵或它日君子之遐思也夫

嘉靖府志後序

在昔先王建萬國親諸侯風以動之化以濡之一其道德而和之禮樂觀政於民觀民於風風者民俗所

臨江府志

舊序

九

繇也美惡辨而賞罰昭乃無庸於史其創日志逮其季也導者納之邪羣情以紕風斯下而觀者莫之稽矣詩於是亡而後春秋作春秋者續詩者也遷固者擬經者也是故詩續而後史作史畧而後志興志也者其風詩之遺乎稽典誥制度昭矣述令章政事核矣宣品式儀物備矣表行藝人文彰矣審尚習風俗見矣明是非之故原失得之軌而治道寓焉是故志也者其風詩之遺乎

明隆慶府志舊序

臨江郡自宋洎化肇建志凡幾作矣前此版籍亡存

洪武志偶得於民間缺逸過半宏治志學士世家多藏之獨嘉靖志具完歷今且四十餘禩魯豕眩觀擅僞淆籍嗣典弗載者亡計也余視郡久縉紳大夫士請葺至再不暇鞅鞅如負辛未冬請益亟余籌之曰夫志記也記郡事也不特徵文獻凡以助理也余出而聽政入而披牘事無論鉅細增仍者半闕畧不補蕪陋弗刻曷章程之是志也豈直稽制攷文者病焉余甚病之矣雖然志猶史也有筆有削不經則舛有予有奪爽實則徇徇罪也舛亦罪也志豈易言哉已迺稽眾度始遍訪賢士大夫山岷故老凡郡中事若

臨江府志

舊序

十

田賦禮教兵政之屬與仕宦選舉忠孝貞淑之類令典牘者各具狀於是召郡邑弟子員彭惟亮張稽尹黃鼎重彭汝諫示之曰毋泥前聞毋忽時事毋牽浮議毋比親暱進士官博士周廷陳江鼐姚翼諭之曰汝創汝討汝校閱勿異同已又檄四邑長戒之曰民休戚俗儉厚政行罷材顯晦第上之有不協於公者罰於是攬劃既周廢缺畢具延郡中大夫羅川劉君於別館取次而編之時造而請曰先生良史才也幸總其成事必核詞必正類例必審用光成憲式俾予於治維時三閱月而告竣爲卷一十有四余沾沾喜